

KERATAN AKHBAR

TARIKH : 8 FEBRUARI 2023
AKHBAR : KOSMO
MUKA SURAT : 37

IPP berkembang 6.9% 2022



SEKTOR pembuatan terus menyokong pertumbuhan IPP tahun lalu. – GAMBAR HIASAN

Nilai jualan sektor pembuatan naik 15.8 peratus kepada RM1.8 trilion

IPP berkembang 6.9% 2022

PETALING JAYA – Momen-
tum positif Indeks Pengeluaran
Perindustrian Malaysia (IPP)
berterusan pada Disember 2022
didorong oleh pengembangan
dalam sektor pembuatan dan
perlombongan, menurut Jabatan
Perangkaan.

Ketua Perangkawan, Datuk
Seri Mohd. Uzir Mahidin berkata,
IPP tumbuh tiga peratus pada
Disember selepas mencatatkan
peningkatan 4.8 peratus pada
November 2022.

"Pengembangan pada bulan
Disember 2022 dipacu oleh in-

deks perlombongan (4.1 per-
atus) dan indeks pembuatan (tiga
peratus), manakala indeks elek-
trik menyusut kepada negatif 1.1
peratus.

"Dari segi perbandingan bulan
ke bulan, IPP merosot 0.6 per-
atus berbanding pertumbuhan
0.9 peratus dicatatkan pada bu-
lan sebelumnya," katanya dalam
satu kenyataan semalam.

Merumuskan mengenai pres-
tasi IPP tahun lalu, Ketua Perang-
kawan berkata, IPP berkembang
6.9 peratus berbanding tempoh
yang sama tahun sebelumnya

(2021: 7.2 peratus).

"Kenaikan dalam indeks pem-
buatan (8.2 peratus), indeks elek-
trik (4.5 peratus) dan indeks
perlombongan (2.8 peratus) me-
nyokong pertumbuhan pada ta-
hun 2022," jelasnya.

Sementara itu, dalam perkem-
bangan berkaitan, Jabatan Per-
angkaan memaklumkan bahawa
nilai jualan bagi sektor pembua-
tan Malaysia berkembang 8.6
peratus tahun ke tahun pada
Disember lalu untuk mencapai
prestasi keseluruhan mencecah
RM1.8 trilion pada tahun 2022.

Menurut Mohd. Uzir, nilai jua-
lan sektor pembuatan menca-
tatkan RM1,800.7 bilion tahun
lalu, melonjak 15.8 peratus ber-
banding tahun 2021.

"Pada tahun berkenaan, bila-
ngan pekerja bagi sektor ini ber-
tambah sebanyak 3.4 peratus
untuk merekodkan seramai 2.34
juta orang dengan gaji dan upah
meningkat 5.2 peratus kepada
RM94.5 bilion.

"Selanjutnya, nilai jualan per
pekerja mencatatkan pertum-
buhan 12.1 peratus, berjumlah
RM771,048," katanya.